

decim psalmos. Qui peccatum pudendum alicui exprobrat, priusquam inter se et ipsum solum arguat, sicut Dominus dicit (*Matth. xvii.*), corripiatur donec exprobrato satisfaciat, et tribus diebus pane et aqua paeniteat.

Qui transgreditur regulam jussionis vel disciplinæ generalis, maneat expulsus sine cibo, ut in crastinum recipiatur. Qui solus cum sola femina sine personis certis familiariter loquitur, maneat sine cibo, vel duobus diebus in pane et aqua, vel ducentis plagis. Qui præsumit facere ambasciam, non permittente eo qui præest, libera et effrenata processione absque necessitate, quinquaginta plagis inhibeatur. Operis pecuniaris præsumptio centum plagis: possessio alicujus rei, quam non necessitas generaliter fratribus concessit, amissione ejusdem, et centum plagis coerceatur. Necessarium vero ac licitum aliquid facere, dare, accipere sine jussione, duodecim plagis: nisi ratio aliqua defenda, ut supplex satisfactio remittat.

Qui comedens loquitur, sex plagis. Et cujus vox obstrepit de mensa ad mensam, sex plagis. Si de domo foras, vel de foris in domum sonuerit, duodecim plagis. Egredi vel ingredi in domum, aut opus facere sine oratione et signo crucis, duodecim plagis. Si aliter fuerit, quinque plagis. Meum vel tuum dixisse, sex plagis. Verbum contra verbum simpliciter dictum, sex percussionibus: si ex contentione, centum plagis vel suppositione silentii. Si ordinem psalleendi non servaverit, sex percussionibus. Si statuto tempore taciturnitatis loqui præsumperit sine necessitate, decem et septem plagis.

Si quis de supellectile monasterii per contumum amiserit, vel dissipaverit quid, proprio sudore et operis adiunctione restituat, vel pro aestimatione, arbitrio sacerdotis, suppositione pœnitentia, aut uno die in pane et aqua. Si non contemptu, sed casu aliquo amiserit aut fregerit, non aliter negligentiam suam quam publica diluat pœnitentia; cunctis in synaxi fratribus congregatis tandiu prostratus in terram veniam postulabit, donec orationum consummetur solemnitas; impetraturus eam, cum jussus fuerit abbas judicio de solo surgere. Eodem modo satisfaciat quisquis ad orationem vel opus aliquod accessitus, tardius occurrit.

Si decantans psalmum titubaverit; si superfluo sit durus; si contumacius responderit, suppositione. Si negligentius obsequia injuncta inpleverit, suppositione. Si vel leviter murmuraverit, suppositione. Si lectionem operi obedientiae præferens, suppositione. Si officia

A statuta segnus fuerit exsecutus, suppositione. Si dimissa synaxi non continuo ad cellam recurrerit, suppositione. Si cum aliquo ad modicum substiterit, suppositione. Si ad modicum temporis uspiam secesserit, suppositione. Si cum ulla qui celicæ suæ cohabitator non est, confabulari quantulumcunque præsumperit, suppositione. Si alterius tenuerit manum, suppositione. Si oraverit cum illo qui est ab oratione suspensus, suppositione.

Si parentum queupiam vel amicorum sæcularium viderit, vel collocutus fuerit ei sine jussione; si epistolam cuiuscunque suscepserit, si tribuere præsumperit sine suo abbate, suppositione. Si impedierit aliquem a necessarii facti expletione, suppositione. B Si per ardorem mentis legitimum religionis excessus modum, suppositione. Si alium ferventem a legitimo facto retinere temporis sui gratia præsumperit, suppositione.

Huc usque et in similibus commissis procedit animadversio spiritualis, ut increpatio quæ fit a pluribus, peccanti proficiat ad salutem, et de cætero cautior et diligentior emendatione morum Deo propitio salvatus existat.

Qui autem rixam commiserit, septem diebus pœnitentia. Qui vero suum præpositum despexerit, aut regulam blasphemaverit, foras repellendus est, nisi ipse dicat: Pœnitet me quod dixi. Si autem se non humiliaverit, quadraginta diebus pœnitentia, quia superbie morbo detinetur. Verbosus taciturnitate damnandus est, inquietus mansuetudine, gulosus jejunio, somnolentus vigilia, superbus carcere, destitutor repulsione. Unusquisque juxta quod meretur coequalia sentiat, ut justus iuste vivat. Amen.

In omni loco et opere silentii regula magnopere custodiri censetur; ut omni, quantum valuerit humana fragilitas, quæ prona ad vitia, unde præcipitare solet, mundemur vitio, ædificationemque potius proximorum, pro quibus Salvator noster Jesus sanctum effudit sanguinem, quam dilacerationem absentium in pectore conceplam, et otiosa passim verba, de quibus justo sumus rationem retributori reddituri, ore promamus.

Hæc superum volentibus carpere iter tendens alti ad fastigia summa, relictaque humo cum flagitiis, ultra ambientibus uni adhærere Deo hanc in tellurem missio, statuimus; qui immortalia nimirum sunt præmia accepturi, cum gaudio summo nunquam decidente ævum.

## SANCTI COLUMBANI ABBATIS ET CONFESSORIS

### DE PŒNITENTIARUM MENSURA TAXANDA LIBER.

I. Pœnitentia vera est. pœnitenda non admittere, sed admissa defere. Sed quia hanc multorum fragilitas, ut non dicam omnium, rumpit, mensuræ noscendæ sunt pœnitentiae; quarum sic ordo a sanctis-

traditur Patribus, ut juxta magnitudinem culparum etiam longitudine statuatur poenitentiarum.

II. Si quis igitur per cogitationem peccaverit, id est, concupirerit hominem occidere, aut fornicari, aut furari, aut clam comedere, et inebriari; vel certe aliquem percutere, sive discedere, vel alia his facere similia, et paratus ad hanc corde complenda fuerit: majora dimidio anno; minora quadraginta diebus, in pane et aqua poeniteat.

III. Si quis autem peccatis prevalentibus facto peccaverit; si homicidium, aut sodomiticum fecerit peccatum, decem annis poeniteat: si fornicaverit semel tantum, tribus annis monachus poeniteat; si sepius, septem anni. Si discesserit et vota fregerit, si cito poenitens redierit, tribus quadraginta annis: si autem post annos, tribus annis poeniteat.

IV. Si quis furatus fuerit, anno poeniteat.

V. Si quis percusserit per rixam fratrem suum, et sanguinem fuderit, tribus annis poeniteat.

VI. Si quis autem inebriaverit se, et evomuerit, aut saturatus nimis, sacrificium per hoc evomuerit, quadraginta diebus poeniteat: si vero per infirmitatem sacrificium vomere cogatur, septem diebus poeniteat. Si ipsum sacrificium quis perdiderit, anno poeniteat.

VII. Si quis seipsum coinquinaverit, anno poeniteat, si junior sit.

VIII. Si quis falsum testimonium testificatus fuerit sciens, duobus annis poeniteat cum illius rei perditione, vel redintegratione.

Illa de canis casualibus: ceterum de minutis morum inconditorum.

IX. Qui facit per se aliquid sine interrogatione; vel qui contradicit et dicit: *Non facio*, vel qui murmurat; si grande sit, tribus superpositionibus; si parvum, uno anno poeniteat; verbum vero contra verbum simpliciter promptum, quinquaginta plagi vindicandum; vel si ex intentione silentii, superpositione; nam si rixa, septimana poeniteat.

X. Qui autem detrahit, aut libenter audit detractorem, tribus superpositionibus poeniteat: si de eo qui praest, septimana poeniteat.

XI. Qui autem per superbiam suum praepositum despicerit, aut regulam blasphemaverit, foras repellendus est, nisi confestim dixerit: *Poenitet me quod dixi*. Si autem se non bene humiliaverit, quadraginta diebus poeniteat, quia superbie morbo delinetur.

XII. Verbosus vero taciturnitate damnandus est, inquietus mansuetudine, gulosus jejuno, somnolentus vigilia, superbus carcere, destitutor repulsione: unusquisque juxta quod meretur, quo aequalia sentiat, ut justus juste vivat.

Diversitas culparum diversitatem facit poenitentiarum; nam et corporum medici diversis medicamenta generibus componunt: aliter enim vulnera, aliter morbos, aliter tumores, aliter livores, aliter putredines, aliter caligines, aliter confractiones, aliter combustiones curant. Ita igitur etiam spirituales medici diversis curationum generibus animarum vulnera,

A morbos, culpas, dolores, ægritudines, infirmitates, sanare debent. Sed quia haec paucorum sunt, ad pura scilicet cuncta cognoscere, curare ad integrum salutis statum, debilia revocare; vel pauca juxta seniorum traditiones, et juxta nostram ex parte intelligentiam (*Ex parte namque prophetamus, et ex parte cognoscimus* (*I Cor. xiii, 9*) aliqua proponamus. De capitalibus priunum criminibus quæ etiam legis animadversione plectuntur, sancendum est.

B XIII. Si quis clericus homicidium fecerit, et proximum suum occiderit, decem annis exsul poeniteat. Post hos recipiatur in patriam, si bene egerit poenitentiam in pane et aqua, testimonio comprobatus episcopi vel sacerdotis, cum quo poenituit, et cui commissus fuit, ut satisfaciat parentibus ejus quem occidit, vicem filii reddens, et dicens: *Quaecunque vultis, faciam vobis*. Si autem non satisfecerit parentibus illius, nunquam recipiatur in patriam, sed more Cain vagus et profugus sit super terram.

XIV. Si quis ruina maxima ceciderit, et filium genuerit, septem annis peregrinus, in pane et aqua poeniteat: tunc primu[m] sacerdotis judicio jungatur altario.

XV. Si quis autem fornicaverit sicut Sodomites fecerunt, decem annis poeniteat; tribus cum pane et aqua; septem vero aliis abstineat se a vino et carne; et non maneat cum alio in æternum.

XVI. Si quis vero fornicaverit quidem cum mulieribus, sed non filium generaverit, et in nocturnam hominum non venerit; si clericus, tribus annis: si monachus vel diaconus, quinque annis; si sacerdos, septem; si episcopus duodecim annis.

XVII. Si quis perjuraverit, septem annis poeniteat, et nunquam juret postea.

XVIII. Si quis maleficio suo aliquem perdidit, tribus annis poeniteat cum pane et aqua per mensuram, et tribus aliis annis abstineat se a vino et carnis, et tunc demum in septimo anno recipitur in communionem. Si autem pro amore quis maleficus sit, et nevinem perdidit, annum integrum cum pane et aqua, clericus ille poeniteat, laicus dimidium, diaconus duos, sacerdos tres, maxime si per hoc mulieris partum quisquam deceperit: ideo sex quadragesimas unusquisque insuper augeat, ne homicidii reus sit.

D XIX. Si quis clericus furtum fecerit, id est, bovem, aut equum, aut ovem, aut aliqd animal proximi sui furatus fuerit, si semel, aut bis fecit, reddat proximo suo primum, et anno integro in pane et aqua poeniteat: si hoc consuevit, et reddere non potuerit, tribus annis poeniteat cum pane et aqua.

XX. Si quis autem clericus, aut diaconus, vel alijus grauus, qui laicus fuit in sæculo cum filiis et filiabus, post conversionem suam, iterum suam cognoverit clientelam [*Forte, clientulam*], et filium iterum de ea genuerit, sciat se adulterium perpetrasse, et non minus peccasse quam si ab juventute sua clericus fuisset et cum puella aliena peccasset; quia post votum suum peccavit, postquam se Domino consecravit, et votum suum irritum fecit;

**I**llicetre similiter septem anni: in pane et aqua po- A de media namque pœnitentia [Forte, dimidiat namque pœnitentiam].

**XXI.** Si quis clericus per rixam proximum sum pœnitusserit, et sanguinem fuderit, annum integrum pœnitentia: si laicus, quadraginta diebus.

**XXII.** Si quis per seipsum fornicaverit, aut cum jumento, duobus annis pœnitentia, si gradum non habet: si autem gradum aut votum, tribus annis pœnitentia, si actas non defendit.

**XXIII.** Si quis concupiscit mulierem, et non potest facere, id est, non suscipit eum mulier, dimidium anni in pane et aqua pœnitentia, et toto se abstinent anno a vino et carnibus, et communione altaris.

**XXIV.** Si quis sacrificium perdidit, anno pœnitentia: si per ebrietatem aut voracitatem illud evomuerit, et negligenter illud dimiserit, tribus quadragesimis in pane et aqua pœnitentia: si vero per infirmitatem, septem diebus pœnitentia.

Sed hæc de clericis et monachis mixtum dicta sint. Cæteram de laicis.

**XXV.** Quicunque fecerit homicidium, id est, proximum suum occiderit, tribus annis inermis exsul, in pane et aqua pœnitentia, et post tres annos revertatur in sua, reddens vicem parentibus occisi, pietatis et officii; et sic post satisfactionem judicio sacerdotis jungatur altario.

**XXVI.** Si quis laicus de alterius uxore alium genuerit, id est, adulterium commiserit, toro proximi violato, tribus annis pœnitentia, abstinens se a cibis succulentioribus, et a propria uxore, dans insuper preium pudicitiae marito uxoris violatæ; et sic culpa illius per sacerdotem abstergatur.

**XXVII.** Si quis vero laicus fornicaverit sodomitico ritu, id est, cum masculo, coitu feminino peccaverit, septem annis pœnitentia: tribus primis cum pane et aqua et sale et fructibus horti siccis: quatuor reliquis abstineat se a vino et carnibus, et ita dimittatur illi sua culpa; et sacerdos oret pro illo, et sic jungatur altario.

**XXVIII.** Si quis autem fornicaverit de laicis cum mulieribus a conjugio liberis, id est, viduis, vel pueris: si cum vidua, uno anno: si cum puella, duobus annis (reddito tamen humilationis ejus pretio parentibus ejus) pœnitentia. Si autem uxorem non habuit, sed virgo virginis conjunctus est: si volunt parentes ejus, ipsa sit uxor ejus; ita tamen, ut anno autem pœnitentia ambo; et ita sint conjugales.

**XXIX.** Si quis autem laicus cum jumento fornicaverit, anno pœnitentia, si uxorem habuit: si autem non habuit, dimidio anno: sic et qui uxorem habentes propriis membris se ipsum violaverit, pœnitentia.

**XXX.** Si quis laicus infantem suum oppresserit, vel mulier, anno integro in pane et aqua pœnitentia, et duabus aliis abstineant se a vino et carnibus: et ita primum altario sacerdotis judicio jungantur, et suum torum tunc licito maritus ille cogooscat. Sciendum est enim laicus, quod tempore pœnitentiae illis traditæ a sacerdotibus, non illis liceat suas cognoscere uxores, nisi post pœnitentiam transactam;

**XXXI.** Si quis laicus furtum fecerit, id est, bovem, aut equum, aut ovem, aut aliquod animal proximi sui furatus fuerit: si semel, aut bis fecit, reddat primum proximo suo damnum quod fecit, et tribus quadragesimis in pane et aqua pœnitentia. Si autem æpe furtum facere consuevit, et reddere non potuerit, anno et tribus quadragesimis pœnitentia, et deinceps nequam facere promittat; et sic in Pascha alterius anni communicet, id est, post duos annos (data tamen ante pauperibus de suo labore eleemosyna, et sacerdoti pœnitentiam judicanti epula) et ita abremitur illi male consuetudinis culpa.

**XXXII.** Si quis laicus perjuraverit; si per cupiditatem hoc fecerit, totas res suas vendat, et donet pauperibus, et convertatur ex integro ad Dominum, et tundatur omni dimisso seculo, et usque ad mortem serviat Deo in monasterio. Si autem non per cupiditatem, sed moris timore hoc fecit, tribus annis inermis exsul pœnitentia in pane et aqua; et duobus adhuc abatineat se a vino et carnibus: et ita animam pro se reddens, id est, servum aut ancillam de servitutis jugo absolvens, et eleemosynas multas faciens per duos annos (in quibus illi lictio uti facile cibis est cunctis, excepta carne) post septimum communicet annum.

**XXXIII.** Si quis laicorum per scandalum sanguinem fuderit, aut proximum suum vulneraverit, aut debilaverit, quantum nocuit, tantum reddere cogatur: si autem noua habet unde solvat, opera proximi sui primum agat, quandiu ille infirmus est medicunque querat, et post sanitatem ejus quadraginta dies in pane et aqua pœnitentia.

**XXXIV.** Si quis laicus inebriaverit se, aut usque ad vomitum manducaverit aut biberit, septima in pane et aqua pœnitentia.

**XXXV.** Si quis laicus adulterare voluerit, aut fornicare cum sponsa, et concupierit mulierem proximi sui, et non fecerit, id est, non potuerit, quia mulier eum non suscepit, tamen ille paratus fuit ad fornicandum: confiteatur culparum suam sacerdoti, et ita quadraginta diebus in pane et aqua pœnitentia.

**XXXVI.** Si quis autem laicus manducaverit, aut biberit juxta fana; si per ignorantiam fecerit, promittat deinceps quod nunquam reiteret, et quadraginta diebus in pane et aqua pœnitentia: si vero per contemptum hoc fecerit, id est, postquam sacerdos illi predicavit quod sacrilegium hoc erat, et postea mensæ demoniorum communicaverit; si gula tamquam vitio hoc fecerit aut repetierit, tribus quadragesimis in pane et aqua pœnitentia: si vero pro cultu demonum, aut honore simulacrorum hoc fecerit, tribus annis pœnitentia.

**XXXVII.** Si quis laicus per ignorantiam cum Bononiis aut ceteris haereticis communicaverit, stet inter catechumenos, id est, ab aliis separatus Christianis quadraginta diebus, et duabus aliis quadragesimis in extremo Christianorum ordine, id est, inter

pénitentes, insane communiois culpam dilat: si vero por contemptum hoc fecerit, id est, postquam denuntiatum illi fuerat a sacerdote, ac prohibitum, ne se communione sinistre partis macularet, anno integro péniteat, et tribus quadragesimis, et duobus aliis annis abstineat se a vino et carnibus; et ita post manus impositionem catholicici episcopi, altario jungatur.

Postremo de minutis monachorum agendum est sanctionibus.

**XXXVIII.** Si quis vallum apertum in nocte dimiserit, superpositione péniteat: si vero in die, viginti quatuor percussionibus, si non aliis supervenientibus apertum dimiserit: si quis hunc ipsum absolute præcesserit, superpositione péniteat.

**XXIX.** Si quis jumentum petens solus absolute [Leg. absque luto] lavaverit, superpositione péniteat: si quis vero lavans lictu coram fratribus stando hoc fecerit, si non necessitate luti largius abstergendi, viginti quatuor plagiis emendetur.

**XL.** Si quis vero etiam sedendo in jumento genua, aut brachia discoperuerit absque necessitate luti lavandi, sex diebus non lavet; id est, usque ad alteram diem dominicam in honestus ille lavator pedes

A non lavet. Soli autem monacho secrete stando pedes lavare licet: seniori vero, etiam publice, sed altero pedes suos lavante licet stan lo lavari.

**XLI.** Ante prædicationem vero d.e dominica toti, exceptis certis necessitatibus, simul sint congregati, ut nullus desit numero præceptum audientium, excepto coco ac portario, qui et ip-i, si possint, sal's agant, ut adsint quando tonitruum Evangelii audiatur.

**XLII.** Confessiones autem dari diligentius præcipitur, maxime de cominationibus animi, antequam ad Missam eatur, ne forte quis accedat indignus ad altare, id est, si cor mundum non habuerit: melius est enim exspectare donec cor sanum fuerit, et alienum a scandalo ac invidia furrit, quam accedere audacter ad judicium tribunalis: tribunal enim Christi, altare: et corpus suum ibi cum sanguine indicat indignos accidentes. Sicut ergo a peccatis capitalibus et carnalibus caven lumi e-t, antequam communicandum sit; ita etiam ab incertioribus vietiis et morbis languentis animæ abstinentur est, ac abstergendum ante veræ pacis conjunctiouem et ater.œ salutis compaginem.

## SANCTI COLUMBANI

ABBATIS ET CONFESSORIS

## INSTRUCTIONES VARIÆ

VULGO DICTÆ

## SERMONES.

### INSTRUCTIO PRIMA.

*De Deo Uno et Trino.*

I. Instructionis valde necessariae curam gerens, primum ante omnia, quod omnibus scire primum est, dicere breviter licet; cupio, ut quod est fundatum salutis omnium, nobis crepido sermonis sit; et inde nostra doctrina ordiatur unde omne quod est oritur, et quod non fuit initiatur; ostiumque nobis sermonis cordis credulitas aperiat, qua in salutem confessionis omnium Christianorum recte credentium ora aperuit. De initio ergo humanae salutis, Christo adjuvante, recte nostra dicta sumant exordium.

Credat itaque primum omnis qui vult salvus esse, in primum et in novissimum Deum unum ac trinum, unum subsistentia, trinum substantia; unum potentia, trinum persona; unum natura, trinum nomine; unum numine, qui est Pater et Filius et Spiritus sanctus, Deus unus, tot s invisibilis, incomprehensibilis, ineffabilis, in quo est semper esse, quia æternus est Deus Trinitas, cui initium non queras, qui finem non habet, et qui semper fuit quod est et erit; quia in Deo iteratio non est, sed semper Trinitatis

C perfectio. Quod unus est Deus Trinitas, Deus ipse in lego de se testatur dicens: *Audi, Israel; Dominus Deus tuus unus est* (Deut. vi, 4). Quod autem unus illa Deus Trinitas est, Salvator in Evangelio docuit, dicens: *Euntes nunc docete omnes gentes, baptizantes eos in nomine Patris, et Filii, et Spiritus sancti* (Matth. xxviii, 19). His duabus testimonitis durarum legunt quasi quibusdam fulcris firmissimis fidis credentium firmata est. Ubi habes in veritate Trinitatem in unitate, et unitatem in Trinitate. Pro rei igitur magnitudine breviter quod credimus diximus, et fides cordis oris produxit confessionem; et hoc firmiter contra omnes haereses tenendum est, quod Deus unus dividi vel separari non potest, quia quod fuit unus, semper fuit ut est. Ces: et ergo venenosa et insana omnium hereticorum vesania, quando ipso Deo teste audimus et credimus: *Audi, Israel; Dominus Deus tuus unus est*: quia qui unus est, hoc semper fuit quod est; sed ut scias quantus, pluraliter dixit in mundi conditione: *Faciamus hominem ad imaginem et similitudinem nostram* (Gen. i, 26). Ne vero erres in numero, Christus tibi indicat Patrem, et Filium, et Spiritum sanctum, in cuius Dei, quasi unius Dei no-